

**Avannaani Siumut – Avannaani Inuit Ataqtigiit
suleqatigiinnissamut isumaqtigissutaat
2008 - 2013**

Avannaani Siumut aamma avannaani Inuit Ataqtigiit suleqatigiinnissamik isumaqtigiissuteqarnermi pingaartutut ersarissarusuppaat inuiaqtigiit imminnut akisussaaffiginerunissaannik tunngaveqartumik ilusilersuinissaq.

Inuussutissarsiornerup nunarsuarmi ungasingisaarukkaluttuinnartumut tulluussarneqarnissaa inuussutissarsiuqartut qanimut suleqatingalungit ilusilersorneqassooq. Sulisartuuneq periarfissanut nutaanut eqaannerusumik ikaarsaariartinneqassooq.

Nukissiuutinik periarfissat nutaat misissuiffigineqarlutillu aqutissiuunneqassapput.

Inissialiortiterluni sanaartornermi aningaasaleeriaatsinik periarfissat eqaannerusut pisortanit aningaasaliiffigineqanngittut periarfissiorneqassapput.

Meeqqat atuarfianni, atuarfinni ingerlaqqiffiusuni, inuussutissarsiutitigut ilinniartinnit, sivilisunerusumillu ilinniartitaanermi nunanut allanut unammillersinnaasumik ilinniarnissamut ilinniaqqinnissamullu piukkunnarsaajuartoqassooq.

Qaasuitsup Kommuniani meeqqanut inuusuttuaqqanullu politik pilersinneqassooq.

Pitsaaliuinermi suliniutit manna kommune-usuni qaffasissumik ilusilersukkat pimoorullungit inerisaqqinneqarnissaat suleqataaffigineqassapput.

Utoqqarnut innarluutilinnullu politik pineqartut peqatingilluinnarlungit ilusilersorneqassapput.

Utoqqarnik isumassuinermi avatangiisit ullutsinnut naleqquttut pimoorullungit inerisarneqassapput.


Avannaani Siumut aamma avannaani Inuit Ataqtigiit Qaasuitsup Kommuniani sulisut politik-ikkut anguniakkat pillungit ammasumik suleqatigineqarnissaat pingaartippaat.

Ikaarsaariarnermi Ataatsimiititaliaq, kingusinnerusukkullu Kommunalbestyrelse aqquatingalungu sullissinerup pitsaanerpaanissaa qulakkeerniarlungu Avannaani Siumut aamma Avannaani Inuit Ataqtigiit sulissapput. Kommune-t kattunneqarnerini periarfissat nutaat eqqummaariffingalungit atorluarlungillu ineriartortitsisoqarnissaa qulakkeerniarlungu sulineq naleqqussarneqartassooq. Taamaammat Avannaani Siumut aamma Avannaani Inuit Ataqtigiit uummaarissumik, ammasumik aammalu Qaasuitsup Kommuniani soqutigisaqaqtigiit attaveqarfigilluarlungit sulissapput.

Suleqatigiinnerup nukittuumik ingerlajuarnissaa siunertaralungu suleqatigiit pisariaqartoq naapertorlungu nalilersueqatigiittuarnikkut ingerlanneqartassooq, minnerpaamik ukiukkaartumik missingersuutinik suliaqarnissaq sioqqullungu.

Ilulissat ulloq: Ulloq, 29. oktober 2008

Palle Jerimiassen
Avannaani Siumut



f. Apollo Mathiasen



Bendt Kristiansen
Avannaani Inuit Ataqtigiit